



আহলে-হাদীস আন্দোলন

ও

উহার বৈশিষ্ট্য



॥ মরহুম আল্লামা মুহাম্মদ আবদুল্লাহেল  
কাফী আল-কুরায়শী ॥





প্রকাশক :

বাংলাদেশ জমঈয়তে আহলে হাদীসের  
পক্ষে জেনারেল সেক্রেটারী  
মুহাম্মদ আবদুর রহমান  
৯৮, নওয়াবপুর রোড,  
ঢাকা—১

দ্বিতীয় সংস্করণ : ৫০০০  
জমাদিউল আওওয়াল : ১৪০৬ হিঃ  
মাঘ : ১৩৯২ বাং  
জানুয়ারী : ১৯৮৬ ইং

মুদ্রণে : এম এ বারী

আল-হাদীস প্রিন্টিং এন্ড পাবলিশিং হাউজ  
৯৮, নওয়াবপুর রোড  
ঢাকা—১

মূল্য : ২'০০ টাকা মাত্র





## আহলে-হাদীস আন্দোলন

ও

### উহার বৈশিষ্ট্য

الحمد لله، وسلام على عباده الذين اصطفى والعاقبة  
للمقين ولا عدوان الا على الظالمين \*

#### আহলে হাদীস পরিচিতি

আহ্-লে-হাদীস আন্দোলন সম্পর্কে 'সব' প্রথম ইহা অবগত হওয়া আবশ্যক যে, 'আহ্-লে-হাদীস' কোন মযহব বা ফিকার নাম নয়। পৃথিবীতে ধর্মীয় বা রাজনৈতিক দলগুলির সংখ্যা যতই অধিক হোক না কেন, সাবধানতার সহিত লক্ষ্য করিলে ইহা প্রতীয়মান হইবে যে, মযহব, দল, ফিকার অথবা পার্টির আদর্শ ও কর্মসূচী ব্যক্তি-বিশেষ কর্তৃক উদ্ভাবিত ও রূপায়িত হইয়াছে এবং উদ্ভাবক ও প্রতিষ্ঠাতাকে আশ্রয় করিয়াই উত্তরকালে উক্ত ফিকার ও মযহবের বিস্তৃতি ও বিকাশ ঘটিয়াছে। রাজনৈতিক ও



## ২ আহ্লে হাদীস আন্দোলন ও উহার বৈশিষ্ট্য

মুঘলবী ফিক্কাবন্দীর ইতিহাসে ব্যক্তি বিশেষের কেন্দ্র ও প্রাধান্য এরূপ অপরিহার্য ও গুরুত্বপূর্ণ স্থান দখল করিয়া রাখিয়াছে যে, ফিক্কা বা পার্টির অন্তর্ভুক্ত কোন ব্যক্তি আদর্শের প্রতি নিষ্ঠা ও কর্মসূচীর অনুসরণের দিক দিয়া যতই অগ্রগণ্য হউক না কেন, ফিক্কার ইমাম এবং পার্টির নেতার পুরাপুরি ভক্ত ও অনুগত না হওয়া পর্যন্ত তাহার নিষ্ঠা ও কর্মতৎপরতার কোন মূল্যই স্বীকৃত হয় না। পক্ষান্তরে আদর্শ নিষ্ঠা ও কর্মতৎপরতা অপেক্ষা ফিক্কাবন্দীর ইতিহাসে দলীয় নেতার আনুগত্য এবং অন্ধ অনুসরণ অর্থাৎ তকলীদকেই অধিকতর মূল্যবান স্বীকার করা হইয়াছে। কালক্রমে ফিক্কাপন্থের দল দলপতির ভ্রম প্রমাদগুলিকে একান্ত শ্রদ্ধা ও নিষ্ঠা সহকারে অনুসরণ করিয়া চলিতে থাকে এবং দলীয় আদর্শ ও কর্মসূচীর সহিত দলপতির ব্যক্তিগত উক্তি ও আচরণের সংঘর্ষ ঘটিলে অন্ধ ভক্তের দল নেতার উক্তি ও আচরণকেই উর্ধ্বে স্থান দান করে। ইহার শেষ পরিণতি স্বরূপ আদর্শ ও কর্মের সমুদয় নিষ্ঠা ও তৎপরতার পরিবর্তে দলীয় অহমিকতা, গোঁড়ামী ও অনুদারতাই ফিক্কার সমুদয় কার্যকলাপকে অধিকার করিয়া বসে।

একথা কাহাকেও বলিয়া দিতে হইবে না যে, উম্মতের অন্তর্ভুক্ত কোন ইমাম, দরবেশ অথবা কূটনীতিবিশারদকে আশ্রয় ও কেন্দ্র করিয়া আহ্লে-হাদীস আন্দোলনের ভিত্তি স্থাপিত হয় নাই। বিভিন্ন ফিক্কার অন্তর্ভুক্ত মুসল-



মানগণ রসূলুল্লাহর (দঃ) সার্বভৌম নেতৃত্ব স্বীকার করিয়া লইলেও কার্যতঃ উম্মতের অন্তর্ভুক্ত কোন না কোন ব্যক্তির নিজস্ব মতবাদ, দৃষ্টিভঙ্গী, ব্যাখ্যা অথবা উদ্ভাবিত কর্মপন্থার অনুসরণ করিয়া চলিয়াছেন কিন্তু আহ্লে-হাদীসগণ রসূলুল্লাহর (দঃ) একচ্ছত্র নেতৃত্ব ব্যতীত উম্মতের অন্তর্ভুক্ত কোন মহাপুরুষের উদ্ভাবিত আকীদা ও সিদ্ধান্তকে আহ্লে-হাদীসগণের আকীদা এবং মতব্বরূপে গ্রহণ করেন নাই। এমন কি সাহাবা ও তাবেরীগণের মধ্য হইতেও কোন মাননীয় পুরুষকে আহ্লে হাদীসগণ অশ্রান্ত ও মাসূম স্বীকার করিয়া লইয়া তাঁহাকে নেতৃত্বের আসনে অধিষ্ঠিত করেন নাই। আহ্লে হাদীসগণ সাহাবা, তাবেরীন, মহামতি ইমাম চতুষ্টয় এবং পরবর্তী যুগের সমুদয় মহা-মনীষী এবং বিদ্যার-থীকে অন্তরের সহিত শ্রদ্ধা করিলেও জ্ঞানের মূল্য এবং যুক্তির স্বাধীনতাকে প্রলয়কাল পর্যন্ত সমুদয় যোগ্য এবং উপযুক্ত নর-নারীর জন্য অবারিত রাখিয়াছেন। তাঁহারা তাঁহাদের জ্ঞান ও বিচার বুদ্ধিকে এক মাত্র আল্লাহ এবং তদীয় রসূল (দঃ) এবং উম্মতের সমুদয় বিদ্বানের সর্বসম্মত সিদ্ধান্ত ব্যতীত অন্য কোন নেতা বা মহা-পণ্ডিতের পদতলে সমর্পণ করিতে মুহু-তের তরেও প্রস্তুত নহেন।

শুধু এইটুকুই নয়, আহ্লে-হাদীস আন্দোলনের মূলনীতি লা-ইলাহা ইল্লাল্লাহ মোহাম্মদুর রসূলুল্লাহ অনুসারে আহ্লে হাদীসগণ তাঁহাদের ব্যক্তিগত, পারি-



৪ আহ্লে-হাদীস আন্দোলন ও উহার বৈশিষ্ট্য  
 বারিক, সামাজিক, রাষ্ট্রিক, অর্থনৈতিক, তামাদ্দুনিক ও  
 আধ্যাত্মিক জীবনের নিয়ন্ত্রণকারী ও ব্যবস্থাপক রূপে  
 আল্লাহর সার্বভৌম প্রভুত্ব এবং মনুষ্যশ্রেণীর মধ্য হইতে  
 শূধ, তদীয় রসূলের (দঃ) অধিনায়কত্ব স্বীকার করিয়া  
 লইতে বাধ্য। যাঁহারা উল্লিখিত নীতি সমূহ মান্য করিতে  
 প্রস্তুত নহেন, তাঁহাদিগকে আহ্লে হাদীসরূপে গণ্য করা  
 যেরূপ অন্যায়, তাঁহাদের আহ্লে-হাদীস হইবার দাবীও  
 তদ্রূপ অর্থহীন। সুতরাং দেখা যাইতেছে যে, যাঁহারা  
 অন্যান্য দল ও ফিকর সংগে আহ্লে-হাদীস আন্দোলনের  
 নামও এক নিঃশ্বাসে উচ্চারণ করিয়া থাকেন, তাঁহারা  
 আহ্লে হাদীস মতবাদ ও উহার আন্দোলনের পটভূমিকা  
 সম্পর্কে সম্পূর্ণ অনভিজ্ঞ।

আহ্লে-হাদীস মতবাদের কতিগয় প্রধান বৈশিষ্ট্য  
 প্রথম বৈশিষ্ট্য : রসূলুল্লাহর (দঃ) সার্বভৌম অধিনায়কত্ব  
 এবং তাঁহার হাদীসের সরাসরি অনুসরণ  
 এরূপ প্রশ্ন কাহারো মনে উদ্ভিত হওয়া বিচিত্র নয় যে,  
 কুরআন ও সুন্নাহর একচ্ছত্র আধিপত্য ও অধিনায়কত্ব  
 প্রতিপন্ন ও প্রতিষ্ঠা করা কি শূধ, আহ্লে হাদীস  
 আন্দোলনেরই বৈশিষ্ট্য? এই প্রশ্নের জওয়াবে আমরা  
 সসম্মানে দৃঢ়তার সহিত এই কথাই বলিব যে বাস্তবিকই  
 একমাত্র আহ্লে হাদীসগণই কুরআন ও সুন্নাহর বিজয়



## আহ্লে-হাদীস আন্দোলন ও উহার বৈশিষ্ট্য ৬

পতাকার ধারক ও বাহক! আহলে সুন্নত ফিক্কাগদুলির সকলেই কুরআন ও সুন্নাহর প্রাধান্য নীতিগত ভাবে স্বীকার করিয়া লইলেও তাঁহাদের নেতা ও ইমামগণের সিদ্ধান্তগুলিই কার্যাতঃ তাঁহাদের কাছে প্রকৃত অনুসরণীয় বলিয়া বিবেচিত হইয়া থাকে। যে দলের যিনি মাননীয় ইমাম, তাঁহার কোন উক্তি ও সিদ্ধান্ত রসূলুল্লাহ (দঃ) হাদীসের পরিপন্থী হইলেও উক্ত ইমাম বা নেতার নামে যে দলটি গড়িয়া উঠিয়াছে, তাঁহারা কুরআন ও সুন্নাহর নির্দেশের সরাসরি অনুসরণের পরিবর্তে তাঁহাদের নেতার উক্তিরই অনুসরণ করিয়া থাকেন এবং নেতার সিদ্ধান্তের প্রতিকূল হাদীসের পরোক্ষ ব্যাখ্যায় প্রবৃত্ত হন এবং যেভাবেই হউক রসূলুল্লাহর (দঃ) হাদীসকে টানিয়া হেঁচড়াইয়া স্বীয় নেতার সিদ্ধান্তের সহিত সুসমঞ্জস করিতে সচেষ্ট হইয়া থাকেন অথচ একটি স্থানেও তাঁহারা তাঁহাদের নেতার সিদ্ধান্ত বর্জন করিয়া রসূলুল্লাহর (দঃ) হাদীসের অনুসরণ করিতে প্রবৃত্ত হন না। পক্ষান্তরে নেতার পরিগৃহীত কোন হাদীস তহকীক ক্ষেত্রে দুর্বল বা অপ্রমাণিত সাব্যস্ত হইলেও তাঁহারা উহা পরিত্যাগ করিয়া অধিকতর বলিষ্ঠ ও প্রামাণ্য হাদীস গ্রহণ করিতে চাননা। অধিকন্তু অনেক ক্ষেত্রে নেতার ব্যক্তিগত সিদ্ধান্তকেই ভিত্তি করিয়া তাঁহারা 'কিয়াস' বা উপমান পদ্ধতির সাহায্যে বিভিন্ন মসআলা আবিষ্কার করিয়া থাকেন।



কিন্তু আহ্লে হাদীস মতবাদের বৈশিষ্ট্য এই যে, রসূলুল্লাহর (দঃ) সাব'ভৌম অধিনায়কত্ব এবং তাঁহার হাদীসের আনুগত্য চুল পরিমাণও অতিক্রম করিয়া যাওয়া আহ্লে-হাদীসগণের নীতি বিরুদ্ধ। কুরআন ও বিশুদ্ধ হাদীসের মুকাবিলায় কোন মহাবিদ্বান, আইন শাস্ত্রবিদ ও শক্তিমান শাসনকর্তার উক্তি ও নির্দেশ মান্য করা আহ্লে হাদীস আকীদা অনুসারে অবৈধ ও মহাপাপ। বলিষ্ঠতর হাদীসের সমকক্ষতায় দুর্বল হাদীসের অনুসরণ করা আহ্লে হাদীসগণের রীতি বিরুদ্ধ। আমাদের এই দাবীর অকাট্য প্রমাণ এই যে, পৃথিবীর সমুদয় ময্হবী ফিকহী তাঁহাদের ময্হবের মসআলাগদুলি বিশেষভাবে সংকলিত করিয়া পৃথক পৃথক ফিকহ-গ্রন্থ রচনা করিয়াছেন এবং প্রত্যেকটি দল তাঁহাদের নিজেদের দলীয় মসআলার গ্রন্থগদুলিকে ভিন্ন ময্হবের কিতাবরূপে অভিহিত করিয়াছেন। কিন্তু রসূলুল্লাহ (দঃ) ব্যতীত আহ্লে-হাদীসগণের ষেরূপ কোন স্বাধীন ও স্বতন্ত্র সর্বাধিনায়ক বা ইমাম নাই, সেরূপ আহ্লে-হাদীস বিদ্বানগণ রসূলুল্লাহর (দঃ) হাদীস গ্রন্থ ব্যতীত কোন বিদ্বান ও মহাপণ্ডিতের লিখিত পুস্তককে নিজেদের গ্রন্থ রূপে স্বীকার করেন নাই। তাঁহারা রসূলুল্লাহর (দঃ) হাদীসের চয়ন, সংকলন, সম্পাদন, ব্যাখ্যা ও আলোচনা ব্যতীত কোন ইমাম বা নেতার সিদ্ধান্তগদুলিকে সংকলিত করিয়া এবং উপমান প্রণালীর সাহায্যে সেগদুলিকে ভিত্তি করিয়া নতুন নতুন মসআলা রচনা করার কার্যে কদাচ প্রবৃত্ত হইন নাই।



আহলে-হাদীস আন্দোলন ও উহার বৈশিষ্ট্য ৬

দ্বিতীয় বৈশিষ্ট্য : কুরআন ও সুন্নাহ ভিত্তিক সর্ব  
সমস্তার যুগোপযোগী সমাধান

এই মতবাদের আর একটি বৈশিষ্ট্য হইতেছে ইহার  
স্থিতিস্থাপকতা গুণ। বিভিন্ন ফিকহ ও দলের ন্যায়  
আহলে হাদীস আন্দোলন মানব সমাজের নিত্য নতুন  
প্রয়োজন ও যুগধর্মের দাবীকে অস্বীকার করে না।  
যুগ বিশেষের কোন মানবীয় নেতৃত্ব, প্রজ্ঞা ও সিদ্ধান্তকে  
চরম ও অকাট্য বলিয়া স্বীকার না করায় এবং উহাকে  
আশ্রয় করিয়া ইহার পরিপন্থী সাধিত না হওয়ার  
আহলে হাদীস আন্দোলনে কুরআন ও সুন্নাহকে ভিত্তি  
করিয়া সকল সময়েই সামাজিক, রাষ্ট্রীয় ও অর্থনৈতিক  
সমস্যাসমূহের যুগোপযোগী সমাধানের অবকাশ রহিয়াছে।  
প্রচলিত মযহবসমূহের কোন একটিতেও সকল যুগের  
সকল প্রকার বৈজ্ঞানিক প্রশ্নের জওয়াব খুঁজিয়া পাওয়া  
যাইবে না। অতএব দেখা যাইতেছে যে, গতানুগতিকতা  
ও ফিকহবন্দীর প্রভাব অস্বীকার না করা পর্যন্ত ইসলামকে  
সর্বযুগোপযোগী শক্তিশালী জীবন ব্যবস্থারূপে প্রমাণিত  
করার কোন উপায় নাই। একমাত্র আহলে হাদীস আন্দো-  
লনই এই রোগের প্রতিষেধক।

তৃতীয় বৈশিষ্ট্য : আল্লাহর একত্ব ও রসূলুল্লাহর (দঃ)  
নবুওতের চরমত্বের ভিত্তিতে মুসলিম জাতির সংহতি

“আল্লাহর একত্ব এবং রসূলুল্লাহর (দঃ) নবুওতের  
চরমত্ব” এই মহা মতবাদকে ভিত্তি করিয়া মুসলিম সমা-



## ৮ আহলে-হাদীস আন্দোলন ও উহার বৈশিষ্ট্য

জের জাতীয় সংহতির গুরুত্ব প্রতিপন্ন করা হইয়াছে। অতীতে ও বর্তমানে দল, মত ও ফিকরার উগ্র প্রভাবেই মুসলিম সংহতির এই অত্যাব্যসিক মতবাদ ক্ষুণ্ণ হইয়াছে। একমাত্র আহলে হাদীস আন্দোলনই বিশ্বের বিক্ষিপ্ত ও বিচ্ছিন্ন মুসলিমকে নবুওতে-মোহাম্মদীর এককেন্দ্রিক সাগরতীথে সমবেত ও পরস্পর আলিঙ্গনাবদ্ধ হইবার আহ্বান জানাইয়াছে।

### আরো একটি বৈশিষ্ট্য

আহলে হাদীস আন্দোলনের আর একটি প্রধান বৈশিষ্ট্য এই যে, রাজনীতি ক্ষেত্রেও ইহা দলীয় স্বাতন্ত্র্য ও পার্থক্যের আহ্বায়ক নয়, ইহা কখনো পৃথক কোন রাজনৈতিক গোষ্ঠ গঠন করিতে চায়না। দেশের এবং জাতির বৃহত্তর ও মহত্তর কল্যাণের জন্য সকল প্রকার ন্যায়ানুমোদিত আন্দোলনে মুসলিম জনগণের সহিত মিলিত হইয়া সমাজের অন্য দশজনের ন্যায় কাজ করিয়া যাওয়াই ইহার পরিগৃহীত কর্মপন্থা। এই আন্দোলনের অনুসারীরা আইন সভায় রক্ষাকবচ বা স্বতন্ত্র আসনের দাবীদার হইতে পারে না, এমন কি দলগত ভাবে তাহারা নিজেদের স্বতন্ত্র নির্বাচন দাবীও উপস্থিত করে না। এই আন্দোলনের অনুসরণকারীগণের জন্য স্বতন্ত্র কোন কলোনী বা উপনিবেশের দাবীদার হইবার উপায় নাই। মুসলিম জনগণের সাধারণ স্বার্থই হইতেছে এই আন্দো-



লনের অনুসারীগণের স্বার্থ এবং জাতির পতাকাই হইতেছে ইহাদের একমাত্র পতাকা। দেশের সকল প্রকার রাজনী-  
তিকে ইসলামী রূপ প্রদান করা এবং কুরআন ও সুন্নাহকে  
ভিত্তি করিয়া সামাজিক ও অর্থনৈতিক পরিবেশ গড়িয়া  
তোলাই এই আন্দোলনের লক্ষ্য ও উদ্দেশ্য। খিলফাতে-  
রাশিদার আদর্শে ইসলামী রাষ্ট্রের পুনরুজ্জীবন সাধন  
আহলে হাদীস আন্দোলনের রাজনৈতিক লক্ষ্য।

আহলে হাদীস আন্দোলনের পটভূমি ও কর্মক্ষেত্র  
ফলকথা, 'আহলে হাদীস' নির্দিষ্ট কোন দল বা  
ফিক'র নাম নয়, প্রত্যয়ঃ ফিক'বন্দীর নিরসনকল্পে  
এবং বিচ্ছিন্ন মুসলিম সমাজকে এক ও অভিন্ন মহা-  
জাতিতে পরিণত করার উদ্দেশ্যে সংগ্রাম পরিচালনা করার  
জন্যই ইহার উত্থান হইয়াছে। কিন্তু কুরআন ও হাদীসের  
সার্বভৌম প্রতিষ্ঠা এবং জাতির পুনর্গঠন ও সংস্কারের  
কাষ' এরূপ সুদূর প্রসারী ও শাখা প্রশাখা বহুল যে,  
আহলে হাদীস আন্দোলনের কর্মীগণ সকল সময়  
সমবেতভাবে একই নির্দিষ্ট কর্মক্ষেত্রে সীমাবদ্ধ থাকিতে  
পারেন নাই।

### গ্রন্থ রচনা

বিগত ঊনবিংশ শতকে তাঁহাদের একদল বাংলাদেশ-  
পাক ভারত উপমহাদেশে লেখনীর সাহায্যে কুরআন ও  
সুন্নাহর অনুবাদ ও ব্যাখ্যা এবং ইসলামের দার্শনিক  
সম্মিলিত সহস্র সহস্র গ্রন্থ ও সাহিত্য রচনা করিয়া



গিয়াছেন। প্রথিতযশা সাহিত্যিক ও মুহাদ্দিস নওয়াব সাইয়েদ সিদ্দীক হাসান খান, আল্লামা শামসুল হক আযিমাবাদী, মওলানা সানাউল্লাহ্ অমৃতসরী, মওলানা মোহাম্মদ হুসাইন বাটালভী, মওলানা মুহীউদ্দীন লাহোরী, মওলানা বদীউদ্-যামান, মওলানা ওয়াহীদুদ্-যামান প্রভৃতি বিদ্বানের নাম এই দলের পুরোভাগে অবস্থিত। নওয়াব সাইয়েদ সিদ্দীক হাসান এককভাবেই ক্ষুদ্র বৃহৎ পাঁচ শতাধিক গ্রন্থ রচনা করিয়া গিয়াছেন। এই দলের তত্ত্বাবধানে 'শুহনায়ে হিন্দ' 'ইশাআস্ সুনাহ' 'যিয়াউস্ সুনাহ' 'দিলগুদায়' 'পয়সা আখ্‌বার' ও 'কার্জন গেজেট' প্রভৃতি সাপ্তাহিক ও মাসিক পত্রিকাগুলি প্রকাশিত হইয়া উপমহাদেশে সংবাদিকতার বীজ উদ্ভূত করে। উদ্গু সাহিত্যকে এই আহ্লে হাদীসগণই ভারত উপমহাদেশে সমৃদ্ধ করিয়া তুলিয়াছিলেন। স্যার সৈয়েদ আহমদ খান, নওয়াব মুহসিনুল মূলক, মওলানা হালী, ডেপুটি নযীর আহমদ, মুমিন খান শহীদ দেহলভী ও আবদুল হালীম শরর প্রভৃতির নাম উদ্গু গদ্য ও কাব্য সাহিত্যে প্রলয়কাল পর্যন্ত অমর হইয়া থাকিবে।

### কুরআন ও হাদীসের অধ্যাপনা

আহ্লে হাদীসগণের আর একটি দল তাঁহাদের সমস্ত জীবন শুদ্ধ কুরআন ও হাদীসের অধ্যাপনা কাষেই উৎসর্গ করিয়া গিয়াছেন। ইহাদের অক্লান্ত সাধনার ফলেই পাক-ভারত ও বঙ্গ-আসামের ঘরে ঘরে রসুলুল্লাহর (দঃ)



হাদীসের পবিত্র প্রদীপ প্রজ্জ্বলিত হইয়াছিল। শায়খুল-কুল আল্লামা সৈয়েদ মুহাম্মদ নযীর হুসাইন দেহলভী, আল্লামা শায়খ হুসাইন বিনে মুহসিন আল্ আনসারী, আল্লামা বশীর সহসওয়ানী, আল্লামা হাফিয আবদুল্লাহ গাযীপুরী প্রভৃতি এই দলের শীর্ষস্থানীয়।

### তবলীগে-দ্বান

আহ্লে হাদীসগণের আর একটি দল শিরক ও বিদ্‌আতের প্রতিরোধকল্পে এবং তওহীদ, সুন্নতের প্রতিষ্ঠার উদ্‌গ্র বাসনায় আকুল হইয়া কান্দাহার হইতে সিংহল পর্যন্ত এবং নেপালের তরাই হইতে আরম্ভ করিয়া সুন্দর-বন পর্যন্ত পথে পথে ঘুরিয়া কে কোন্ স্থানে যে মতুবরণ করিয়াছেন তাহার বিস্তৃত বিবরণ প্রদান করার উপায় নাই। সৈয়েদ হাবীবুল্লাহ কান্দাহারী, সৈয়েদ আবদুল্লাহ গজনভী, সৈয়েদ আবদুল্লাহ ঝাউ, মওলানা ইব্রাহীম নসীরাবাদী মুহাজিরে মক্কী, মওলানা খাওয়াজা আহমদ নদীয়াভী, মওলানা যিল্লুর রহীম মংগলকোট, মওলানা মনসুরুর রহমান ঢাকাভী, মওলানা মীযানুর রহমান শ্রীহট্টী ও মওলানা আবদুল হাদী ইসলামাবাদী প্রভৃতির নাম এই দলের অগ্রভাগে উল্লেখ করা যাইতে পারে।

### জিহাদ কী সাবিলিল্লাহ

আহ্লে হাদীসগণেরই আর একটি দল সংসারের মায়া এবং সুখ শান্তির বন্ধে পদাঘাত করিয়া ভারত উপমহাদেশকে যুগপৎভাবে হিন্দু ও ইংরেজদের কবল হইতে উদ্ধার করিয়া এই দেশে খেলাফতে রাশিদার



শাসন ব্যবস্থার পুনঃপ্রবর্তন কল্পে নিষ্কাশিত তলওয়ার হস্তে সক্রিয় সংগ্রাম চালাইয়া গিয়াছেন। আল্লামা ইসমাইল শহীদ দেহলভী, সাদিকপুরের মওলানা বেলায়েত আলী ও মওলানা ইনায়েত আলী ভ্রাতৃদ্বয়, আল্লামা শাহ ইসহাক দেহলভীর জামাতা মওলানা নাসীরুদ্দীন শহীদ, ২৪ পরগণার মওলানা ইব্রাহীম আফতাব খান শহীদ প্রভৃতি বীর সেনানীর নাম এই দলের অধ্যক্ষরূপে চিরদিন স্বর্ণাক্ষরে ইতিহাসের পৃষ্ঠায় লিখিত রহিবে। ভারত উপ-মহাদেশকে বিজাতি, বিধর্মী ও বৈদেশিকদের কবল হইতে মুক্ত করার জন্য আহ্লে হাদীসগণ যে সক্রিয় সংগ্রাম অর্ধ শতাব্দীরও অধিকাল পরিচালিত করিয়া ছিলেন, ভারতের সিপাহি-যুদ্ধ ও 'ওয়াহাবী বিদ্রোহের' কাহিনীর প্রত্যেকটি পৃষ্ঠাকে তাহা রক্তরঞ্জিত করিয়া রাখিয়াছে।

মোটের উপর শতাব্দীর উর্ধ্বকাল ধরিয়া পাক ভারতের যে কোন স্থানে যে কোন ধর্মীয়, রাজনৈতিক, সাহিত্যিক, তামাদ্দুনিক ও সংস্কারমূলক আন্দোলন জনগ্রহণ করিয়াছে, তাহার প্রত্যেকটিতে আহ্লে-হাদীসগণ হয় কণ্ঠধার ও পথ-প্রদর্শক রূপে নেতৃত্ব করিয়াছেন, আর না হয় কুরআনের বিশ্ববিশ্রুত নীতি, 'ন্যায়ের ও সাইচস' অন্যান্যের প্রতিরোধ' অনুসারে আহ্লে হাদীসগণ সেগদুলির সহিত সহযোগের হস্ত মিলাইয়া আসিয়াছেন।



ইসলামী জাগরণের দপ্তর নকীব ও মুসলিম  
সংহতির আহ্বায়ক

## সাপ্তাহিক আরাফাত

২৭শ বর্ষ চলিতেছে

প্রতিষ্ঠাতা : মরহুম আল্লামা মুহাম্মদ আবদুল্লাহেল  
কাফী আল-কুরায়শী

সম্পাদক : মুহাম্মদ আবদুর রহমান

বার্ষিক টাঁদা : ৫০'০০, বার্ষিক : ২৬'০০

বছরের যে কোন সময় গ্রাহক হওয়া যায়

টাঁদা পাঠাইবার ঠিকানা

ম্যানেজার, সাপ্তাহিক আরাফাত

৯৮, নওয়াবপুর রোড, ঢাকা—১



# আল-হাদীস প্রিণ্টিং এণ্ড পাবলিশিং হাউজ

## সং গ্রন্থরাজি

৯৮, নওয়াবপুর রোড, ঢাকা—১

আল্লামা মুহাম্মদ আবদুল্লাহেল কাফী আল-  
কুরায়শী (রহঃ) প্রণীত—

১। আহলে-হাদীস পরিচিতি (২য় সংস্করণ)		১৫'০০
২। বাংলাদেশ জমঈয়েতে আহলে হাদীসের উদ্দেশ্য, লক্ষ্য ও গঠনতন্ত্র		২'০০
৩। ধন বণ্টনের রকমারী ফর্মূলা		১'০০
৪। তিন তালাক প্রসঙ্গ	সাদা	৮'০০
	নিউজ	৫'০০
৫। ঈদে কুরবান		২'৫০
৬। আল্ ইসলাম বনাম কম্যুনিজম	ছয়াইট	৩'০০
	নিউজ	২'০০
৭। পীরতন্ত্র ও বায়তুল মালের বণ্টন ব্যবস্থা,	সাদা	৩'০০
	নিউজ	২'৫০
৮। মুছাফাহা দুই হস্তে না এক হস্তে		২'০০
৯। আহলে কিবলার পিছনে নামায		১'৭৫
১০। নিকুদিষ্ট পুরুষের স্ত্রী		১'২৫
১১। মুরগী আগে জন্মেছে, না ডিম?		৫'০০
১২। ফাতাওয়া ও মাসায়েল	সাদা	৪০'০০
	নিউজ	২৫'০০
১৩। কলেমায় তৈয়েবা		১৬'০০
১৪। অর্থনীতির ক, খ	সাদা : ৮'০০, নিউজ : ৫'০০	
ডঃ মওলানা মুহাম্মাদ আবদুল বারী প্রণীত		
১৫। ধর্ম বিজ্ঞান প্রগতি		২'০০
১৬। তাবলীগে হীন ও আহলে হাদীস আন্দোলন	সাদা	৬'০০
	নিউজ	৪'০০
১৭। বাংলাদেশ জমঈয়েতে আহলে-হাদীস স্মরণিকা		১৫'০০



পিডিএফ তৈরি করেছেনঃ  
আহমাদ বিন আব্দুস সালাম  
যুগ্ম আহ্বায়ক; বাংলাদেশ আহলেহাদীস ছাত্রসমাজ,  
ঢাকা জেলা

০১৭৯৯-৩২৬৬২২

প্রচারেঃ বাংলাদেশ আহলেহাদীস ছাত্রসমাজ  
মুদ্রাঃ বাংলাদেশ আহলেহাদীস ছাত্রসমাজ